



Broj: 05-16-1577/21

Datum, 29.04.2021.godine

Na osnovu člana 70.stav (1), (3) i (6) Zakona o javnim nabavkama („Službeni glasnik BiH“ broj 39/14), v.d. direktorica JU Srednja škola poljoprivrede, prehrane, veterine i uslužnih djelatnosti Sarajevo donosi s l i j e d e ć u

ODLUKU
o dodjeli ugovora za Pružanje usluga

Član 1.

Odobrava se dodjela ugovora ponuđaču **ZAVOD ZA ZDRAVSTVENU ZAŠTITU RADNIKA U SAOBRAČAJU - SARAJEVO**, ul.Kolodvorska br:10, 71000 Sarajevo, a nakon okončanog direktnog sporazuma javne nabavke i prema ponudi za pružanje usluga: **obavljanje sistematskih pregleda radnika.**

Vrijednost ugovora za usluge iz stava 1.ovog člana iznosi **45,00 KM** po jednom radniku. Sanitarne knjižice, za one koji ih nemaju, naplaćuju se **5,00 KM** po radniku. Saglasno članu 24., tačka 2. Zakona o PDV-u, na navedene usluge se ne plaća PDV-e.

Član 2.

U svrhu realizacije nabavke roba iz člana 1. ove Odluke v.d. direktorica će sa ponuđačem **ZAVOD ZA ZDRAVSTVENU ZAŠTITU RADNIKA U SAOBRAČAJU - SARAJEVO**, ul.Kolodvorska br:10, Sarajevo zaključiti ugovor kojim će se detaljnije regulisati međusobna prava i obaveze.

Član 3.

Odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj:05-15-966/21 od 13.01.2021. godine. Javna nabavka je provedena putem direktnog sporazuma. Za obavljanje sistematskih pregleda radnika na godišnjem nivou utvrđena je procijenjena vrijednost bez PDV-a, do 4.000,00 KM. Zahtjev za dostavu ponuda broj:02-13-1482-3/21 od 19.04.2021.godine je poslat na tri adrese, i to: JU Zavod za medicinu rada Kantona Sarajevo, JU Dom zdravlja Kantona Sarajevo, Zavod za zdravstvenu zaštitu radnika u saobraćaju-Sarajevo. Nakon pristigle ponude broj:10-3-796-1/21 od 22.04.2021.godine utvrđeno je da ista odgovara poslatom zahtjevu te je donijeta Odluka kao u dispozitivu.



V.D. DIREKTORICA

Sadeta Kurtović
Kurtović Sadeta

Dostaviti:

1. Ponudač x1
2. a/a

Hamdije Kreševljakovića br. 55, Sarajevo, tel.: +387 33 26 29 00, fax: +387 33 55 21 86 msp@msppps.edu.ba

ZAVOD ZA ZDRAVSTVENU ZAŠTITU RADNIKA U SAOBRAČAJU			
SARAJEVO			
Primljeno:	29.04.2021		
Organizaciona jedinica:	Klasifikaciona oznaka:	Redni broj	Broj prijloga

[Signature]



Broj:02-13- 1482-3/21

Dana, 19.04.2021.godine

**ZAVOD ZA ZDRAVSTVENU ZAŠTITU RADNIKA U
SAOBRAĆAJU**

Ul. Kolodvorska br:10
S A R A J E V O
Fax 033 611 419

**Predmet: Zahtjev za dostavljanje Ponude za sistematski pregled
radnika za školsku 2021/2022. godinu**

Obraćamo vam se sa Zahtjevom za dostavljanje ponude za obavljanje obaveznog sistematskog pregleda radnika (ukupno oko 75 radnika) naše škole za školsku 2021/2022.godinu koji sadrži:

1. Proširene laboratorijske pretrage (SE, KS, Urin, urati, urea, ŠUK, bilirubin, Holesterol, Trigliceridi, Transaminaze, Kreatinin, Željezo, AST, ALT, GGT, ASP),
2. Liječnički pregled na tuberkulozu pluća, a ukoliko se na osnovu njega ili epidemiološke indikacije posumnja na ovu bolest, obavezno je i rendgensko snimanje pluća,
3. EKG sa očitanjem specijaliste interniste,
4. Pregled specijaliste oftalmologa,
5. Pregled specijaliste neuropsihijatra,
6. Pregled specijaliste medicine rada sa izvještajem,

u skladu sa ljekarskim standardima, odnosno prema propisu nadležnih zdravstvenih organa.

Napominjemo da bismo sistematski pregled radnika trebali završiti do 31.08.2021.godine.

S poštovanjem,



V.D. Direktorica:

Sadeta Kurtović

(Kurtović Sadeta)

Dostaviti:

- Naslovu
- a/a

ZAVOD ZA ZDRAVSTVENU ZAŠTITU RADNIKA U SAOBRAĆAJU – SARAJEVO

**JU SREDNJA ŠKOLA POLJOPRIVREDE, PREHRANE, VETERINE I USLUŽNIH
DJELATNOSTI - SARAJEVO**

U G O V O R
O VRŠENJU USLUGA SISTEMATSKOG PREGLEDA RADNIKA

Sarajevo, april 2021. godine.

U G O V O R

O VRŠENJU USLUGA SISTEMATSKOG PREGLEDA RADNIKA

Zaključen u Sarajevu između:

JU Srednja škola poljoprivrede, prehrane, veterine i uslužnih djelatnosti - Sarajevo, sa sjedištem u Sarajevu, adresa Hamdije Kreševljakovića 55, koju zastupa Kurtović Sadeta, direktorica škole (u daljem tekstu: naručilac usluga) i

Zavoda za zdravstvenu zaštitu radnika u saobraćaju – Sarajevu, sa sjedištem u Sarajevu, adresa Kolodvorska 10, koga zastupa direktor Prim. dr. Mirsad Mulaomerović, (u daljem tekstu: davalac usluga).

PREDMET UGOVORA

Član 1.

Predmet ovog ugovora je vršenje usluga sistematskog pregleda radnika naručioca usluga, a zaključuje se po Odluci o dodjeli ugovora za Pružanje usluga, broj: 05-16-1517/21 od 29.04.2021. godine, naručioca usluga, a na osnovu ponude davaoca usluga, broj: 10-3-796-1/21 od 22.04.2021. godine.

OPIS PREDMETA UGOVORA

Član 2.

Sistematski pregled obuhvata:

1. Proširene laboratorijske pretrage (sedimentacija, krvna slika, urin, mokraćna kiselina, urea, šećer u krvi, bilirubin, holesterol, trigliceridi, kreatinin, željezo, AST, ALT i GGT);
2. Liječnički pregled na tuberkulozu pluća, a u koliko se na osnovu njega ili epidemiološke indikacije posumnja na ovu bolest obavezno je rendgensko snimanje pluća;
3. EKG snimak sa očitanjem specijaliste interniste;
4. Pregled specijaliste oftalmologa;
5. Pregled specijaliste neuropsihijatra;
6. Pregled psihologa i
7. Pregled specijaliste medicine rada sa izvještajem i ovjerom sanitarne knjižice.

Sistematski pregled radnika obaviti će se u prostorijama davaoca usluga na adresi Kolodvorska 10 Sarajevo, treći sprat, soba 58, u terminu od 05.07.2021. godine do 13.08.2021. godine.

CIJENE I USLOVI PLAĆANJA

Član 3.

Cijena pregleda iz člana 2. ugovora iznosi **45,00 KM**, po jednom radniku.

Sanitarne knjižice, za one koji ih nemaju, naplaćuju se **5,00 KM**, po jednom radniku.

Saglasno članu 24. tačka 2. Zakona o PDV-u, na navedene usluge se ne plaća PDV.

Član 4.

Naručilac usluga se obavezuje da će plaćanje ugovorene cijene iz člana 3. ovog ugovora izvršiti po završenim pregledima u roku od 15 dana od dana ispostavljanja računa.

PRELAZNE I ZAVRŠNE ODREDBE

Član 5.

Ugovor se zaključuje i važi do momenta izvršenja ugovorenih usluga.

Član 6.

Ugovorne strane su saglasne da sve eventualne nesporazume po ovom ugovoru rješavaju prvenstveno sporazumno, u duhu dobrih poslovnih običaja, a u suprotnom nadležan je sud u Sarajevu.

Član 7.

Ugovor stupa na snagu danom potpisivanja.

Član 8.

Ugovor je sačinjen u 4 /četiri/ istovjetna primjerka od kojih svaka ugovorna strana zadržava po 2 /dva/ primjerka.

**ZA DAVAOCA USLUGA:
DIREKTOR**




Prim. dr. Mirsad Mulaomerović

Broj: 10-3-796-3/21

Datum: 30.04.2021. godine.

**ZA KORISNIKA USLUGA:
DIREKTORICA**



Kurtović Sadeta

Broj: 02-9-1570/21

Datum: 06.05.2021.god

